

**Zeitschrift:** Nebelspalter : das Humor- und Satire-Magazin  
**Band:** 89 (1963)  
**Heft:** 39

**Artikel:** Fürstenweisheit  
**Autor:** [s.n.]  
**DOI:** <https://doi.org/10.5169/seals-502882>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 16.03.2025

**ETH-Bibliothek Zürich, E-Periodica, <https://www.e-periodica.ch>**



## Darf's no-n-e Friction sy?

E Maa kunnt mit eme Biebli ins Gschäft vom ene Coiffeur, esoo wird mer brichdet. Er mues nit lang warte bis er draa-kunnt. Er sitzt ab und loot sich umständig d Hor schnyde. Derno loot er sich grintlig der Kopf wäsche, e Friction mache-n-und e Kopf-



massage-n-appliziere. Rasiere kunnt au no derzue, der Schnauz zwääg-schnyde, und zletscht macht em der Coiffeur vergniegt e scheen suuber Wäägli, birschtet noonemool – kurz Hor isch bald birschet, haist jo's Sprichwort! – und sait: «Bitti, dä Her!» Dä stoht uff, wartet uff die obligate Strich mit der Glaiderbirschte-n-und sait:

«So. Und jetz näme Si, bitti, au der Glai draa. Horschnyde – kurz-um 's glych wie vorig. Numme rasiere mien Si en noonig, hahaha!» (E gar e Luschtige!) «Y gang der-wyl gschwind an Egge fire go go Sygarettli bsorge. Uif Widerseh!» Und goht.

Das Biebli hebbt brav aane. Der Coiffeur gitt sich e Haidemich mit däm Gnopfli. Scheen mues dä wärde! Numme – 's Biebli findet das Schamponiere gar nit eso furchbar glunge. 's brummet in ai Loch yne-n-und 's dunggt dä Binggis furchbar überflissig, wie-n-er sich über das mächtig, parfümiert Hand-wäschboggi bugge mues. Das wätsch-

naß, kochig-haiß Duech, wo-n-em der Coiffeur um sy junge Molli bygt, mahnt en an Indianergschichte-n-und an 's Skalpiere. Aber er grynt nit. Er isch e Bueb, e groosse, e dapfere!

Woo-n-er äntlig eso wyt isch – Glaiderbirschte-n-und alles – do sait der Coiffeur ordlig:

«Soodeli! Jetz sitz do aane. Doo hesch ebbis zem Aaluege. Und wart jetz brav uff der Babbe! Y ha no *anderi* Here z'bidiene.»

's Biebli luegt en aa und maint:

«Das isch nit my Babbe.»

«Nit Dy Babbe? He, derno isch's der *Unggle*. Also *wart* jetz ordlig. Y ha z'due.»

«My Unggle-n-isch er *au* nit. Y *kenn* en gar nit.»

«Wa-wa-wieso – De *kennsch* en gar nit?! De bisch doch mit em zämme-n-*yneko*? Und er het doch *gsait*, y mies Der d'Hor schnyde-n-und eso wyter ...?»

«Aber y kenn en *ainewääg* nit. Er het mi dusse-n-an der Hand gnoo und het aifach gsait «Kumm, Biebli, mer gehn zämme go gratis d'Hor schnyde loo!» Meh waist y *au* nit ...» 's Biebli het nadyrlig kai Gäld gha.

«Luuskaibe gitt's iberall und alle-wyl!» dänggt der Coiffeurmaischter. Aber derno lacht er lyslig vor sich aane: «Und was em y no alles uffgeschwätzt ha, ych Dubel, ych!» *Fridolin*



Neuheit:  
Rössli Spezial 2x5  
Fr. 2.-

... ein feines Räuchlein!

## Fürsten- weisheit

Kaiser Sigismund aus dem Hause Luxemburg (1361–1437) schätzte die Gelehrten sehr hoch. Einen berühmten Rechtsgelehrten, Georg Faselus, hatte er in den Adelsstand erhoben und mit sich zum Konzil nach Basel genommen. In einer wichtigen Frage stimmten Adel und Gelehrte getrennt ab. Der neugebackene Adelsherr gesellte sich zum Adel und stimmte mit diesem. Sofort fragte ihn der Kaiser: «Schätzen Sie den Adel höher als die Gelehrten?» In aller Aufrichtigkeit bejahte Faselus. «Das ist ein großer Irrtum», meinte der Kaiser. «Ich kann an einem Tag tausend Ritter schlagen, aber in tausend Jahren nicht einen einzigen Gelehrten schaffen.» *Dick*



## Nebelspalter Bestellschein

Für Neu-Abonnenten

Der/Die Unterzeichnete bestellt den Nebelspalter 6/12 Monate und zahlt den Abonnementspreis, auf Postcheckkonto IX 326, an Nebelspalter-Verlag Rorschach ein.

Gratiszustellung im Monat Oktober

Abonnementspreise:

Schweiz: 6 Mte. Fr. 15.– 12 Mte. Fr. 28.–  
Ausland: 6 Mte. Fr. 20.– 12 Mte. Fr. 38.–


Name \_\_\_\_\_

Vorname \_\_\_\_\_

Adresse \_\_\_\_\_

Abonnement für \_\_\_\_\_ Monate

An den Nebelspalter-Verlag Rorschach senden



«Worauf wartest Du denn? Verlang ihm doch das Kotlett zurück — es gehört schließlich Dir!»